



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 57. Declaratio Cleri Gallicani coram Rege.

[urn:nbn:de:hbz:466:1-67246](https://nbn-resolving.org/urn:nbn:de:hbz:466:1-67246)

Sæcul. XVI. A.C. 1585. admittebantur, Noviodunensi Episcopo ceterorum nomine verba faciente: verum Rex percepta eorum propositione ultra decies centena millia sibi oblata adhuc ducenta aureorum millia petebat, ad reliqua vero capita respondit, se cum suo Cancellario, & Senatus Præsilibus desuper deliberaturum: attamen Ordo Ecclesiasticus eundem Noviodunensem Episcopum ad summum Pontificem ablegabat, ut hæcæ supplicias unacum Parisiensi Episcopo a Rege Romam decreto auctoritate Pontificia firmari curaret, Rex tamen nunquam permittere voluit, ut Cleri Deputatus eo proficisceretur. Præterea in iisdem comitiis statutum, ut etiam beneficia a Jesuitis possessa taxationi subicerentur, non minus ac illa Sacella, quorum redditus quinquaginta librarum summam excedunt, nequidem exceptis Nolo-comiis, Virginum Monasteriis, Leprosorum domibus &c.

§. LVII.

Declaratio Cleri Gallicani coram Rege.

Att. du Clergé pag. 72. Rursus adhuc alia ad Regem decernebatur legatio, ubi Nicolaus de Angeleria Briocensis Episcopus perorare jubebatur, qui ab initio ferme eadem, quæ paulo ante Noviodunensis Episcopus

pus exposuerat, a Rege postulabat, & quidem primo, ut Concilium Tridentinum promulgaretur. II. Illud de reunionem edictum executioni mandetur. III. Electionum jura restituantur, si vero id Rex renueret, feli-gantur Viri idonei, necnon Monasteria in commendas dandi usus aboleatur. IV. Appellationes ab usurpata jurisdictione restringantur, vel abrogentur, atque Ecclesiasticis sua privilegia tam pro ipsorum personis, quam eorum bonis concessa intacta conserventur. V. Denique Ordo Ecclesiasticus redditus Urbis Prætorio solvere non adstringatur: postea idem Episcopus hæc addebat: „Inspiravit sane Deus Regiæ suæ Majestati, ut edicto suo subditos ad Ecclesiæ Catholicæ unionem revocari juberet: propriæ enim conscientiæ præceptis eos ad veræ Religionis professionem reducere tenetur, & ad hæreticorum, schismaticorumque furorem reprimendum, necnon ad Christi Ecclesiam ab hac peste liberandam tanquam Ecclesiæ Protector obligatur, præcipue cum ab illo temporis momento, quo hæresis in Franciæ Regno invaluit, ipsiusque Religionis Catholicæ basis concussa est, subditi ab obedientia Deo, & Ecclesiæ debita defecerint, eademque ex causa
„a Prin-

Sæcul. XVI.
A.C. 1585.

Mem. de la
Ligue tom. I.
pag. 394.

Sæcul. XVI. „a Principis sui obsequio recesserint:
A.C. 1585. „porro experientia testis est, quod ad
 „frangendam hæreticorum contuma-
 „ciam nimium infirma sit Principum
 „benignitas, atque clementia: si vero
 „dissoluta Ecclesiasticorum vita populis
 „offensioni fuit, edicti executio ab il-
 „lorum Reformatione inchoanda, ac
 „summopere urgenda erit, quoniam
 „autem jam ipsum Concilium Tridenti-
 „num cuncta, quæ ab hæreticis impug-
 „nantur, in sua Ecclesiæ Catholicæ do-
 „ctrina dilucidavit, decrevit, ac defi-
 „nivit, sane omnino necessarias requi-
 „rit, ut illius decreta promulgentur:
 „præterea si Regia sua Majestas electio-
 „num jura restituet, suam conscientiam
 „a gravissimo onere liberabit: Deo enim
 „rationem reddere tenebitur de omni-
 „bus malis, eorumque peccatis, qui
 „a Regia sua Majestate nominati pri-
 „mas Ecclesiæ dignitates indigne oc-
 „cupant: recordetur autem, quod eo
 „tempore, quo Franciæ Reges sibi ad
 „Episcopatus, Abbatias, aliasque digni-
 „tates Ecclesiasticas nominandi jus ar-
 „rogabant, Merovingii non nisi per octo-
 „ginta, & Carolingii per sexaginta
 „annos sceptrum tenuerint. „

Postea idem Briocensis Episcopus
 ita coram Rege prosequabatur: „ne-
 „cesse est, ut uncti a Domino honorem
 „suæ

Sæcul. XVI.
A. C. 1585.

„suæ dignitati, atque Ordini debitum; recipiant, ac in suis exemptionibus,
 „atque immunitatibus illæsi seruentur; secus enim sui ministerii officiis tran-
 „quille fungi, ac Deum pro Regis, po- pulique incolumitate, necnon pro con-
 „servatione Regni tranquille exorare haud poterunt: jam vero jurisdictio
 „Ecclesiastica ob damnandas appella- tiones ab usurpata jurisdictione peni-
 „tus eversa gemiscit: præterea notum sit Regiæ suæ Majestati, quod bona
 „Ecclesiastica nec Regis, nec regii æ- rarii sint, prout tamen nonnulli Ma-
 „jestati vestræ insinuare præsumserunt; sunt enim fidelium vota, pretium pro
 „redimendis peccatis, pauperum patri- monia, & Ecclesiæ Ministrorum ali-
 „menta, atque stipendia: hæc quoque bona, etsi a Regibus dono data, alie-
 „nari nequeunt, nihilominus viginti quinque abhinc annis ipsemet Rex ex
 „horum bonorum redditibus ferme tri- ginta aureorum milliones extorsit:
 „præterea clausulæ, quæ in pactis an- no Christi millesimo quingentesimo
 „octogesimo initis ab ipsamet Regia sua Majestate sancitæ erant, nondum ef-
 „fectui fuerunt datæ, etiamsi Majestas sua fidem suam obstrinxerit, ac se illas
 „servaturam regia fide juraverit.

His

Sæcul. XVI. His expositis Episcopus orationi suæ
A.C. 1585. finem imposuit perdemisse Regi suppli-
 cans, quatenus a suo unionis edictum
 exequendi proposito nullatenus recede-
 re, nullamque præter Catholicam Re-
 ligionem in Francia tolerare, necnon
 jurisdictionem Ecclesiasticam, atque
 Ecclesiæ immunitates, & libertates sar-
 tas tenere vellet: denique rogabat, ut
 tandem ab immodicis exactionibus suo
 Clero imponendis deinceps abstineret,
 atque Ecclesiasticos a solvendis Pari-
 siensis Prætorii redivisibus exoneraret,
 tum ejusmodi pacta utpote innumeris
 ex titulis irrita, & nulla, nequaquam
 subsistere valerent.

§. LVIII.

*Regis responsum ad expositas ra-
tiones.*

*Actes &
mem. du
Clerge.*

Ceterum ad potissimos ex his articu-
 lis Rex responsum suum dedit, &
 quidem, dum Tridentinum Concilium
 recipi peteretur, hæc reposuit: „equi-
 „dem jam sæpius ab Ordine Ecclesia-
 „stico ad id sollicitatus fui: verum ex
 „congregatis nonnulli probe norunt,
 „quod præter temporum vicissitudinem,
 „quæ tum pacificationis edictis obsta-
 „bat, unacum Senatu meo quosdam
 „Præsides, ac Regii Senatus, Curia-
 „que Consiliarios convocarim, ac sæ-
 pius